

КАС ВАШЛИЙМАШ

Кугарнян, 11 авгутышто, Арын урем «ылыхын», пуйто жап мёнгешла 18-19 курымыш пёртэлтийн. Тора гыч ончалат гын, урем тич лач ожнысо Арын пазар годсо наре калык! Изиже-кугужо, шонгыжосамырыкше – чыланат кевыт воктек вашкеныйт. Амалже - тиде кечин селаште вашлиймаш! «Үжаран кастене» маналтеш. Кас рүмбалгэ марте але торарак гынат, ен-шамыч ѹйратыме марий газет-шамычын вуйлатыштым да пашаеныштым ужаш, мутым вашталташ вашкеныйт. Иктаж шүдө ен! Мо дene изирак ял пазар оғыт?..

«Морко мланде», «Кугарня», «Ямде лий» газет-влакын түн редакторышт да пашаенышт погынышо-шамыч дene мутланымашым эртарышт, марий йылымым саклен кодымо нерген тургыжланымаш шижалте. «Олаште марла мутланыш шагал, ўшан – яллан веле», - тигайрак иктешлымашымат колна. Тидын годым мый шонен шинчышым: вара оғына код дыр марий йылмынам ялыстыже кеч арален кодаш?.. Ончалат да колыштат гын, школыш коштдымо изи ньога-влакак рушла чокияш тёчат, южгунам гына ойсавыртыштышкышт марий мутым чыкалтат, я «ноу» шокта («уке» манмет). Ача-ава-влакат марий йылме деч икшывыштын коранмыштлан тореш оғытыл. Шижалтеш тиде, рашак шижалтеш. Шочмо йылымым палыдыме йоча гыч могай патриот күшкеш?.. Вет мыньяр йылымым палет, тунар пачаш ушанрак лият! А түнгальтыштыште марий йочалан марий йылмак лийшаш!

Пайрем кумылым Арын Рождественский черке пеленеисе ўдьрамаш хор сёрстарыш. Мурыш чоныш логалше, кумылым савырыше ыльыч. Валентина Флегонтовнан, Арын ўдьрын, ава да шочмо вер нерген мурымыжо ончаш толшо калыкын шўмышкыжак возо. Бард



Арын селаште «Үжаран кастене» вашлиймаш

Владимир Григорьев дene пырля вашлиймашын толшо-влак мурыжымат пырляк йонголтарьшт. Шке почеламутышт дene калыкым Христина Александрова ден Владимир Александров палдарышт. «Кугарня» газетым лудшо да возгален шогышо-влак (Лидия Алексеева, Валентина Васильева, Владимир Александров, Олимпиада Алексеева) түн редактор Ирина Степанова деч марий орнамент дene сёрстарыме телефонлык подставке дene палемдалтыч.

Йоча-влакланат куан: тёрштылаштышт батут лийын, амалкалече-влак лотерей мөдүшым эртаренйт, түрлө сатум темленйт. Ялысе кевытат сатулан пояя ыле.

Тиде кечин мёнгүйжө, шочмо суртышкыжо, Алина Прокопьева толын. Тудым палдымыже ынде түнштыжат уке дыр. Российын кок пачаш чемпионжо, түнямбал күкшитан Сибирский марафонын чемпионжо... Чылажым ойленат от пытаре. Шкенжын икимшe тренерже Романов Валерий Васильевичлан, ял калыклан, шочмо Арын селажлан тауштен, Алина ойлыши: «Мый марий ўдьр улам! Августысо Сибирский марафон эртыме годым спорт комментаторат тидын нергесе

нак пачаш-пачаш ойлыш. Тау чылалан!» Вара ял калыкым да уна-шамычым тутло ўян мелна да пурадене сийлыш. (Вес кечинже Иошкар-Олаште эртыше полумарафоныштат 1-шe верым налын! Молодец!)

Арын кундем спорт дек шўман улмыжо дene ойыртемалтеш. 30 наре спорт мастер да кандидатым Анатолий Иванович Степанов ямдлыен. Күгешнена ме тудын дene! Тыгак селаштына Марий Республикин сулло артистше Владимир Зернов, поэт да писатель, «Ямде лий» газетын ончычсо түн редакторжо, Марий Эльсе писатель ушемын вуйлатышже Василий Крылов,

филологий науко кандидат Александр Александров, Марий Республикин сулло журналистше Варсонофий Иванов, «У муро» ВИА-м вуйлатыше, сэммастар да поэт Михаил Александров, ече дene спорт мастер Зинаида Иванова да моло уста айдеме-влак шочыныт. Тидыже мо нерген ойла?.. Ме марий улмынам мондыша什 оғынал, марла лекше газет ден журналлан подписским ыштен шогышаш улына. «Ямде лий» газетын түн редакторжо Людмила Григорьеван ойлымыжо ушеш кодо: «150 тенгеже ала-куш-

кат кая, тек йочана газетлан куана».

Погынышо-влаклан Арын черкын настолько же отец Николай тигай вашлиймашын да ваш мутланымашын зиянже уке нерген палемдыш, черкышкат арнялан кеч ик гана толын каяш, Юмо дene кылым йомдарашиб оғыл манын темлыш.

«Кугарня» газетын фотокорреспондентше Иван Речкинын «Морко ўдьр эн сай» манмыже чылалан келшиш. Вет тудо шкежат морко вене. Очни, тигай шомак деч вара тудын сёрстарыме газетшым налаш чылаштын кумыл лекте.

Анатолий Титовын «Морко мланде» газет нерген эртарыме конкурсыш шукынжо ушнышт. Сенышылан пёлк шотеш ямдымыме «Морко мланде» манын возыман фирменный ручка-влак лийыч. Район газет кажне суртышто лийшаш!

Мо шижалте, калык тигай пайремым вучен ила. Чыланат кумыл нёлтшо кодыч. «Вес гана вашлиймешке!» - шомак дene «Үжаран кастене» дene чеверласышна. Тау пайремлан!

Лудса шочмо йылме дene возымо газет ден журналым! Пойдарыза уш-акылдам, ильши деч вараши ида код.

**Александр СЕМЁНОВ,
Арын библиотеке
вуйлатыш**